



Republika e Kosovës
Republika Kosova – Republic of Kosovo
ORGANI SHQYRTUES I PROKURIMIT
TELO ZA RAZMATRANJE NABAVKE
PROCUREMENT REVIEW BODY



RAPORTI I EKSPERTIT SHQYRTUES

Shefkinaze Vllasaliu 	05.11.2020	05.11.2020	883-20
Emri dhe Mbiemri i eks. Shqyrtues dhe nënshkrimi	Data e autorizimit të ekspertit	Data e dorëzimit të raportit	Nr. i lëndës:

BAZA LIGJORE E SHQYRTIMIT

Me datën: 02.11.2020, Tenderuesi : “COYOTE CLEAN GROUP” SHPK, “Lidhja e Prizerenit” p.n Klinë, ka parashtruar ankesë me nr: 883/20, kundër Njoftimit mbi Vendimin e Autoritetit Kontraktues (16.10.2020) - njoftimit për dhënie të kontratës, ku është rekomanduar për kontratë, Grup i Operatorëve Ekonomik “Matrix Construction” Sh.p.k & “Trasing Group” sh.p.k., Klinë, lidhur me aktivitetin e prokurimit: “RREGULLIMI I URAVE NE POTERQ DHE UJMIR” me nr. të prokurimit: 634-20-5795-5-3-6, dhe numër të brendshëm : 634-20-095-536, iniciuar nga Autoriteti Kontraktues (AK) – KUVENDIN KOMUNAL KLINË.

Autoriteti kontraktues ka zbatuar procedurë të hapur, lloji i kontratës: **punë**, vlera e parashikuar e kontratës: **9,500.00 €**,

Konform nenit 113, 114 të Ligjit Nr. 04/L-042, i plotësuar dhe ndryshuar me Ligjin 04/L-237, Ligjin 05/ L-068, dhe Ligjin 05/ L-092, Eksperti Shqyrtues i ka shqyrtuar pretendimet ankimore të OE ankues.

DISPOZITAT E SHKELURA DHE PRETENDIMET ANKIMORE

(Të përshkruhen dispozitat e shkelura dhe vetëm pikat e ankesës).

Tenderuesi ankues, “COYOTE CLEAN GROUP” SHPK, “Lidhja e Prizerenit” p.n Klinë, pretendon se AK, ka bërë shkelje të dispozitave të Ligjit nr. 04/L-042 për Prokurimin Publik të Republikës së Kosovës, i ndryshuar dhe plotësuar me ligjin Nr. 04/L-237, ligjin Nr. 05/L-068 dhe ligjin Nr. 05/L-092, (më tekstin e mëtejme do të i referohemi LPP-së dhe atë konkretisht:

Neni 1, Qëllimi

Neni 6 - Ekonomiciteti dhe Efikasiteti

Neni 7, Barazia në trajtim/Jo diskriminimi

Neni 59, Ekzaminimi, Vlerësimi dhe Krahësimi i Tenderëve

Reporti i ekspertit shqyrtues, lidhur me ankesën e parashtruar nga “COYOTE CLEAN GROUP” SHPK, Klinë, lidhur me aktivitetin e prokurimit “RREGULLIMI I URAVE NE POTERQ DHE UJMIR” me nr. të prokurimit: 634-20-5795-5-3-6, dhe numër të brendshëm : 634-20-095-536, të iniciuar nga Autoriteti Kontraktues (AK) – Kuvendin Komunal Klinë

8. Deklaratë detale mbi faktet dhe argumentet

Letrën standarde për tenderues te pa sukseshem e kemi pranuar përmes platformës elektronike, me pas me datën 16.10.2020 kemi parashtrur Kërkesë për Qasje në Dokumentacion

Gjatë qasjes në dokumentacion në kemi vërejtur një numër të madh të shkeljeve që janë bërë në momentin e shpalljes fitues të Kompanisë Matrix Construction shpk & Trasing Group shpk nga ana e Autoritetit Kontraktues.

Autoriteti Kontraktues gjatë vlersimit ka eliminuar kompaninë Nit Construction sh.p.k. me oferte financiare me cmimi më të lirë, me arsyetim se ky operator ekonomik është i papërgjegjshëm në aspektin administrativ por gjatë qasjes në kemi vërejtur që kompaninë Nit Construction sh.p.k. ka kontratë pune me afat të pacaktuar me pronarin e Matrix Construction shpk Shkelzen Shalën me nr. të id 1242486958, Autoriteti Kontraktues e ka eliminuar ofertën e Nit Construction shpk në vlerë 6.403,70 euro ndërsa e ka shpallur fitues Matrix Construction shpk në vlerën financiare 7.157,00 euro, duke bërë shkelje të LPP-së, ku i njëjtin person në njëra anë figuron si i punësuar ndërsa në anën tjetër si pronar, duke ofertuar në procedurë e njëjtë të prokurimit.

Operatori Ekonomik i shpallur fitues nuk ka prezentuar afatin kohor (planin dinamik) për perfundimin e punimeve siq kërkohe në 11.6 Afatet kohore për nisje dhe/apo përfundim të kontratës: në muaj ose në ditë 10

Operatori Ekonomik i shpallur fitues nuk ka prezentuar Deklaratë mbi Specifikimet Teknike por as Specifikimet Teknike siq i parashihet 11.4 Specifikimet e detyrueshme teknike - punët ☒ furnizimet ☐ shërbimet ☐ duhet të jenë plotësisht në pajtueshmëri me specifikimet teknike të parashtruara në dosje të tenderit, Aneksi I.

Duke mos ofruar Deklaratën mbi Aneksin 1 të dosjes së Tenderit, por as Specifikimet Teknike

Lidhur me pretendimin në Vendimin mbi Kërkesën për Rishqyrtim, që citon se pretendimet i kemi dhënë për një Operator Tjetër pa pasur Autorizim në i themi që ju kemi njoftuar me Kërkesë për rishqyrtim që keni bërë shkelje të LPP kur keni shpallur fitues kompaninë Matrix Construction shpk & Trasing Group shpk nga që shihet në dokumentacionin e dorzuar që këto dy kompani kanë nderlidhje nder vete dhe kanë ofertuar me dy cmime dhe pastaj janë shpërblyer me kontratë me cmimi më të favorshëm.

**INFORMACIONET SHITESË TË MARRA ME ANË TË SQARIMEVE TË KERKUARA
NGA E EKSPERTËVE SHQYRTUES DHE / OSE TEKNIK**

VLERËSIMI SIPAS NENIT 4.1.26 TË LPP-së

(Të jepet një vlerësim se OE ankues është apo nuk është palë me interes sipas nenit 4.1.26).

Tenderuesi ankues, "COYOTE CLEAN GROUP" SHPK, "Lidhja e Prizerenit" p.n Klinë, është palë me interes sipas nenit 4.1.26 nga rezultati i këtij aktivitetit të prokurimit të iniciuar nga Autoriteti Kontraktues (AK) – KUVENDIN KOMUNAL KLINË, në raport me këtë kontratë që mund të jetë në rrezik të dëmtimit material nga një shkelje e pretenduar.

VENDIMET E MËPARSHMETË PSH-së LIDHUR ME RASTET E NGJASHME

(Të sqarohet nëse për rastin e njëjtë është dhënë vlerësim tjetër).

Nuk ka pasë.

ARSYETIMI PËR DEVIJIM NGA PRAKTIKA E MËPARSHME

(Të sqarohet për rastin se pse është devijuar nga praktika e mëparshme).

PËRGJIGJE NË PRETENDIMET ANKIMORE TË OE ANKUES

Tenderuesi Ankues, "COYOTE CLEAN GROUP" SHPK, Klinë, deklaron se Nuk pajtohet me Njoftimin mbi vendimin e publikuar nga AK- KUVENDIN KOMUNAL KLINË të datë 16.10.2020 dhe PRETENDON se AK ka bërë gabim gjatë vlerësimit të tenderit.

Dispozitat e shkelura të LPP-së, sipas tenderuesit ankues, nga ana e Autoriteti Kontraktues, janë:

Neni 1, *Qëllimi*

Neni 6 - *Ekonomiciteti dhe Efikasiteti*

Neni 7, *Barazia në trajtim/Jo diskriminimi*

Neni 59, *Ekzaminimi, Vlerësimi dhe Krahësimi i Tenderëve*

Neni 60, *Kriteret pre Dhënien e Kontratës*

RRUOPP

Raporti i ekspertit shqyrtues, lidhur me ankesën e parashtruar nga "COYOTE CLEAN GROUP" SHPK, Klinë, lidhur me aktivitetin e prokurimit "RREGULLIMI I URAVE NE POTERQ DHE UJMR" me nr. të prokurimit: 634-20-S'95-5-3-6, dhe numër të brendshëm : 634-20-095-536, të iniciuar nga Autoriteti Kontraktues (AK) – Kuvendin Komunal Klinë

Kerkojme nga OSHP duke u bazuar në gjetjet dhe faktet e ofruar ta bëjë një vlersim të drejtë dhe korrekt, duke u mbështetur në LPP, ta ANULOJË vendimi për shperblim me kontrate dhe ta kthej lenden në ri-vlersim.

Pretendimet ankimore të parashtruara në ankesën e deponuar në OSHP, janë të njëjta me ato të parashtruara në Kërkesën për Rishqyrtim.

KRITERET PËR VLERËSIM

(Të vendosen vetëm kërkesa/kriteret që kanë të bëjnë me arsyet e eliminimit dhe / apo ato kërkesa që lidhen me pretendimet ankimore).

NENI II QËLLIMI I KONTRATËS

II.1 Titulli i kontratës: RREGULLIMI I URAVE N POTERQ DHE UJMIR

II.4 Specifikimet e detyrueshme teknike - punët ☒ furnizimet ☐ shërbimet ☐ duhet të jenë plotësisht në pajtueshmëri me specifikimet teknike të parashtruara në dosje të tenderit, Aneksi 1.

II.6 Afatet kohore për nisje dhe/apo përfundim të kontratës: në muaj fillim përfundim ose në ditë 10 ose

RAPORTI I KOMISIONIT VLERËSUES

Duke u bazuar në raportin e vlerësimit, komisioni vlerësues ka konstatuar si në vijim:
(Të përshkruhet vetëm vlerësimi i ofertës së OE ankues /ofertave, për të cilat OE ankues ka pretendime ankimore).

Vërejtje përmbyllëse në lidhje me vlerësimin e tenderëve të përgjegjshëm:

Komisioni nuk ka dhënë vërejtje përmbyllëse.

DEKLARATË

OE të eliminuar

Ndertimi shpk nga Peja nuk ka validitet të ofertës

O.E. KBC – nga Prishtina nuk ka prezantuar fuqinë e angazhuar të punëtorëve

O.E. Nit Vonstruction nga Klina nuk ka referencë për natyrë të njëjtë dhe NNP EU nuk ka prezantuar referencë për punë të ngjashme

Eksperti shqyrtues pas ekzaminimit të tenderit dhe rrjedhës së procedurës së vlerësimit dhe pretendimeve të palës ankuese në ankesë, duke u bazuar në shkresat e lëndës së trajtuar sqaron me sa vijon:

Përgjigje në pretendimin e lartë cekur (Neni 1)

Eksperti shqyrtues, konstaton se ky pretendim i tenderuesit ankues, (Qëllimi) është i pa bazuar, sepse me rastin e kontrollimit të Dosjes së tenderit, Njoftimit për Kontratë dhe dokumentacionin të dorëzuar me tender, gjatë procesit të vlerësimit, Autoriteti Kontraktues, me të drejtë e ka shpallur fitues, Grup i OE "Matrix Construction" Sh.p.k & "Trasing Group" sh.p.k., Klinë, i cili ka dorëzuar tenderin e përgjegjshëm me çmim më të ulët, prej 7,157.00 €, andaj ky veprim gjatë vlerësimit është në pajtueshmëri me Nenin 1 të LPP-së, citojmë :

Qëllimi i këtij ligji është të siguroj mënyrën më efikase, më transparente dhe më të drejtë të shfrytëzimit të fondeve publike, burimeve publike si dhe të gjitha fondeve dhe burimeve të tjera të autoriteteve kontraktuese në Kosovë.

Përgjigje në pretendimin e lartë cekur (Neni 6).

Eksperti shqyrtues, konstaton se ky pretendim i tenderuesit ankues, (Ekonomiciteti dhe Efikasiteti) është i pabazuar, sepse me rastin e kontrollimit të Dosjes së tenderit, Njoftimit për Kontratë dhe dokumentacionin të dorëzuar me tender, gjatë procesit të rivlerësimit, Autoriteti Kontraktues me shpalljen e tenderuesit fitues, tenderuesin Grup i OE "Matrix Construction" Sh.p.k & "Trasing Group" sh.p.k., Klinë, që është me çmim më të ulët se tenderuesi ankues (COYOTE CLEAN GROUP) SHPK, Klinë), ka dëshmuar se këtë proces e ka udhëhequr në pajtim me parimet bazike Efikasiteti & Efektiviteti, për të siguruar vlerën për parane publike, veprim ky që është në pajtueshmëri me Nenin 6 pika 1. të LPP-së, sepse citojmë :

Të gjitha autoritetet kontraktuese, janë të obliguara që të sigurojnë që fondet publike dhe burimet publike të përdoren në mënyrën më ekonomike, njëkohësisht duke marrë në konsideratë qëllimin dhe lëndën e prokurimit.

Përgjigje në pretendimin e lartë cekur (Neni 7)

Eksperti shqyrtues, konstaton se ky pretendim i tenderuesit ankues, (Barazia në Trajtim/ Jo-Diskriminimi) është i pabazuar, sepse me rastin e kontrollimit të Dosjes së tenderit, Njoftimit për Kontratë dhe dokumentacionin të dorëzuar me tender, gjatë procesit të vlerësimit, Autoriteti Kontraktues e ka shpallur fitues tenderuesin e përgjegjshëm.

Autoriteti Kontraktues me rastin e shpalljes së Tenderuesit Grup i OE "Matrix Construction" Sh.p.k & "Trasing Group" sh.p.k., Klinë, fitues për këtë kontratë nuk ka bërë shkelje të nenit 7 të LPP- së, nuk ka bërë kurrfarë favorizimi të ofertës së tij, i cili sipas vlerësimit nga ana ime është i përgjegjshëm, andaj në këtë rast nuk kemi të bëjë me shkelje të Nenit 7 të LPP-së dhe nuk është bërë kurrfarë diskriminimi i tenderuesit ankues, i cili në mungesë të argumenteve për tenderin e vet, pa të drejtë mundohet ta mbrojë tenderuesit tjetër pjesëmarrës.

Përgjigje në pretendimin e lartë cekur (Neni 59), Ekzaminimi, Vlerësimi dhe Krahësimi i Tenderëve.

Eksperti shqyrtues, konstaton se ky pretendim i tenderuesit ankues, është i pabazuar, sepse me kontrollimin dhe rrjedhën e këtij aktiviteti të prokurimit të prezantuar në dokumentacionin që kam shqyrtuar, Autoriteti Kontraktues e ka bërë Ekzaminimi, Vlerësimi dhe Krahësimi i Tenderëve, në pajtim me nenin 59 par. 4 të LPP-së, po citoj: “Autoriteti kontraktues do të konsiderojë një tender të përgjegjshëm vetëm nëse tenderi në fjalë është në përputhshmëri me të gjitha kërkesat e parashtruara në njoftimin e kontratës dhe në dosjen e tenderit”.

Eksperti shqyrtues konstaton se Autoriteti Kontraktues e ka bërë vlerësimin, ekzaminimin dhe krahasimin të ofertave në pajtueshmëri me të gjitha Kërkesat e dhëna në Njoftimin për Kontratë dhe Dosje të Tenderit :

III.1 Kërkesat e pranueshmërisë

III.2 Kërkesat e përshtatshmërisë profesionale;

III.4 Kërkesat mbi mundësitë teknike dhe/ose profesionale

dhe me të drejtë e ka shpallur fitues tenderuesin e përgjegjshëm, Grup i OE “Matrix Construction” Sh.p.k & “Trasing Group” sh.p.k., Klinë.

- Eksperti shqyrtues në bazë të dokumentacionin të dorëzuar me ofertë-tender, ka konstatuar se pretendimi i palës ankuese në ankesë, se Tenderuesi i shpallur fitues në tenderin e tij citoj: nuk ka prezantuar afatin kohorë (planin dinamik) për përfundimin e punimeve siç kërkohet në II.6 Afatet kohore për nisje dhe/apo përfundim të kontratës: në muaj ose në ditë 10

nuk qëndron, sepse me dosje të tenderit Plani dinamik nuk është kërkuar si kërkesë por është kusht i ekzekutimit të kontratës - për nisje dhe përfundim të kontratës.

- Eksperti shqyrtues në bazë të dokumentacionin të dorëzuar me ofertë-tender, ka konstatuar se pretendimi i palës ankuese në ankesë, se Tenderuesi i shpallur fitues në tenderin e tij, citoj: nuk ka prezantuar Deklaratë mbi Specifikimet Teknike por as Specifikimet Teknike siç i parasheh II.4 Specifikimet e detyrueshme teknike - punët furnizimet shërbimet duhet të jenë plotësisht në pajtueshmëri me specifikime teknike të parashtruara në dosje të tenderit, Aneksi 1

nuk qëndron, sepse me dosje të tenderit nuk është kërkuar si kërkesë por është Informatë për Operatorët Ekonomik pjesëmarrës dhe qëllim i kontratës - RREGULLIMI I URAVE NË POTERQ DHE UJMIR, ku tenderuesi i shpallur fitues Grup i OE “Matrix Construction” Sh.p.k & “Trasing Group” sh.p.k., Klinë, e ka nënshkruar dhe vulosur Paramasen dhe parallogarinë, e cila i përmban specifikimet teknike të parashtruara nga Autoriteti Kontraktues, kurse Aneksi 1. SPECIFIKIMET TEKNIKE TË DETYRUESHME, për të cilin thirret tenderuesi ankues, nuk është i plotësuar fare nga AK dhe nuk ka pas nevojë të nënshkruhet.

Pas këtyre argumenteve të prezantuara përmes këtij raporti, eksperti shqyrtues vlerëson se nuk ka shkelje të nenit 59 të LPP-së, sepse vlerësimi është bërë në pajtueshmëri me këtë nen.

Përgjigje në pretendimin e lartë cekur (Neni 60, Kriteret për Dhënie të Kontratës)

Eksperti shqyrtues, konstaton se ky pretendim i tenderuesit ankues (“COYOTE CLEAN GROUP” SHPK, Klinë), se nuk është zbatuar si duhet Nenin 60 të LPP-së me rastin e vlerësimit të tenderëve (Kriteret për Dhënie të Kontratës) nuk është i bazuar, sepse në tërësi është respektuar ky nen ku kërkohet (citojmë) :

LPP ne nenin 60 paragrafi 1.dhe nen paragrafin 1.1 përcakton:

1. Autoriteti kontraktues do t'ia jap kontratën publike operatorit ekonomik që ka dorëzuar:
1.1 tenderin ë përgjegjshëm me çmimin më të ulët:

Duke u bazuar ne fakte te prezantuar ne dokumentacionin qe kam shqyrtuar, analizuar dhe krahasuar dhe në atë që u tha më lartë në këtë raport, Autoriteti Kontraktues ka vepruar ne pajtueshmëri me nenin 60, duke e shpallur fitues tenderuesin e përgjegjshëm me çmimin më të ulët, Grup i OE "Matrix Construction" Sh.p.k & "Trasing Group" sh.p.k., Klinë.

MENDIMI I EKSPERTIT SHQYRTUES

Duke u bazuar në sqarimet e lartpërmendura, eksperti shqyrtues i propozon panelit shqyrtues, që të **REFUZOHET** ankesa e Tenderuesit ankues, "COYOTE CLEAN GROUP" SHPK, Klinë, e pabazuar, njëherësh propozoj, që të **aprovohet** Vendimi i Autoritetit Kontraktues lidhur me aktivitetin e prokurimit "RREGULLIMI I URAVE NE POTERQ DHE UJMIR", i iniciuar nga Autoriteti Kontraktues (AK) – KUVENDIN KOMUNAL KLINË dhe të vazhdojë sipas dispozitave të LPP-së.

Raporti i ekspertizës ti dorëzohet:

- Autoritetit Kontraktues – KUVENDIN KOMUNAL KLINË.
- Panelit Shqyrtues – OSHP.
- OE ankues : - "COYOTE CLEAN GROUP" SHPK, Klinë,